


PHILIPS

**Kućno kino
Soundbar**

HTL3325

Uputstvo za upotrebu



Registrujte svoj proizvod i dobijte podršku na
www.philips.com/welcome

Sadržaj

1 Bitno	4
Pomoć i podrška	4
Sigurnost	4
Održavajte svoj proizvod	5
Briga o okolišu	5
Oprez FCC i IC izjava za korisnike (samo SAD i Kanada)	6
Usklađenost	6

2 Vaše kućno kino	7
Glavna jedinica	7
Bežični subwoofer	7
Daljinski upravljač	7
Priključci	8
Pripremite daljinski upravljač	9
Postavljanje	9

3 Povežite	10
Spajanje na HDMI (ARC) utičnicu	10
Povezivanje na optičku utičnicu	10
Povezivanje na AUX utičnicu	10
Povezivanje napajanja	11
Uparite sa subwooferom	11

4 Upotreba kućnog kina	12
Uključivanje i isključivanje	12
Automatsko mirovanje	12
Odaberite režim	12
Odaberite efekt equalizera (EQ)	12
Prilagodite jačinu zvuka	13
Rad putem Bluetootha	13
Rad putem AUX / OPTICAL / HDMI ARC	13
Rad putem USB-a	14

5 Postavljanje na zid	14
------------------------------	-----------

6 Specifikacije proizvoda	15
----------------------------------	-----------

7 Rješavanje problema	16
------------------------------	-----------

1 Bitno

Pročitajte s razumijevanjem sva uputstva prije korištenja proizvoda. Ako je oštećenje izazvano nepridržavanjem uputstva, garancija se ne priznaje.

Pomoć i podrška

Za dodatnu online podršku, posjetite www.philips.com/welcome za:

- preuzimanje uputstva za upotrebu i brzi vodič
- gledanje video uputstva (dostupno samo za određene modele)
- pronalaženje odgovora na često postavljana pitanja (ČPP)
- slanje pitanja nama e-poštom
- časkanje s našim predstavnicima podrške.

Pratite uputstva na stranici za odabir jezika, a potom unesite broj modela proizvoda.

Takođe, možete se obratiti i službi za zaštitu potrošača u svojoj državi. Prije nego što nas kontaktirate, zapišite broj modela i serijski broj svog proizvoda. Ove podatke možete pronaći na stražnjoj strani ili na dnu proizvoda.

Sigurnost

Rizik od električnog šoka ili požara!

- Prije uspostavljanja ili izmjene bilo koje veze, provjerite jesu li svi uređaji isključeni iz utičnice.
- Nikada ne izlažite proizvod i dodatke kiši ili vodi. Nikada ne stavljajte posude sa tekućinom, poput vaza, u blizini proizvoda. Ako se tekućina prolje na uređaj ili u njega, odmah ga isključite iz utičnice. Kontaktirajte službu za zaštitu potrošača da pregleda proizvod prije upotrebe.

- Nikada ne stavljajte proizvod i pribor u blizini otvorenog plamena ili drugih izvora toplote, uključujući direktnu sunčevu svjetlost.
- Nikada ne stavljajte predmete u otvore za ventilaciju ili druge otvore na proizvodu.
- Kada se utikač direktnog adaptera ili prekidača uređaja koristi kao uređaj za isključivanje, isključeni uređaj ostaće spreman za rad.
- Baterija (ugrađena baterija ili baterije) ne smije biti izložena prekomjernoj toploti kao što je sunčeva svjetlost, vatra ili slično.
- Prije oluje sa grmljavinom isključite proizvod iz utičnice.
- Kad isključujete kabl za napajanje, uvijek povlačite utikač, nikad kabl.

Rizik od kratkog spoja ili požara!

- Za identifikaciju i ocjenu dodataka, pogledajte tipsku pločicu na stražnjoj ili donjoj strani proizvoda.
- Prije spajanja proizvoda na utičnicu, osigurajte da napon napajanja odgovara vrijednosti otisnutoj na stražnjoj ili donjoj strani proizvoda. Nikada ne priključujte proizvod na utičnicu ako je napon različit.

Rizik od povrede ili oštećenja ovog proizvoda!

- Za zidnu montažu, ovaj proizvod mora biti čvrsto pričvršćen na zid u skladu s uputstvom za ugradnju. Koristite samo isporučeni zidni nosač (ako je dostupan). Nepravilno postavljanje na zid može dovesti do nesreće, povrede ili štete. Ako imate pitanja kontaktirajte službu za zaštitu potrošača u svojoj državi.
- Nikada ne stavljajte proizvod ili bilo kakve predmete na strujne kablove ili na drugu električnu opremu.
- Ako se proizvod transportuje na temperaturama nižim od 5°C, otpakujte ga i pričekajte da se njegova temperatura podudara sa sobnom temperaturom prije nego što ga povežete s utičnicom.
- Dijelovi ovog proizvoda mogu biti izrađeni od stakla. Postupajte pažljivo da izbjegnute ozljede i oštećenja.

Rizik od pregrijavanja!

- Nikada ne instalirajte ovaj proizvod u skućen prostor. Uvijek ostavite prostor od najmanje 10cm oko proizvoda za ventilaciju. Pazite da zavjese ili drugi predmeti nikada ne prekrivaju otvore za ventilaciju na uređaju.

Rizik od kontaminacije!

- Nemojte pomiješati baterije (stare i nove ili karbonske i alkalne, itd.).
- OPREZ: Opasnost od eksplozije ako nepravilno zamijenite baterije. Zamijenite je samo istim ili ekvivalentnim tipom baterije.
- Izvadite baterije ako su istrošene ili ako daljinski upravljač nećete dugo koristiti.
- Baterije sadrže hemijske supstance, treba ih pravilno odlagati.

Rizik od gutanja baterija!

- Ovaj uređaj/daljinski upravljač može sadržavati novčić/dugme tip baterija koje potencijalno mogu biti progutane. Neka baterija uvek bude nedostupna djeci! Ako je progutate, baterija može izazvati ozbiljne povrede ili smrt. U roku dva sata od gutanja može doći do ozbiljnih unutrašnjih opekotina.
- Ako sumnjate da je baterija progutana ili da se nalazi u bilo kojem dijelu tijela odmah potražite pomoć doktora.
- Svaki put kada mijenjate baterije, držite i nove i stare baterije na mestu nedostupnom djeci. Pobrinite sa da je mjesto za baterije potpuno zatvoreno nakon promjene baterije.
- Ako se mjesto za baterije ne može potpuno zatvoriti, prekinite upotrebu proizvoda. Držite izvan doseg djece i kontaktirajte proizvođača



Ovo je CLASS II aparat sa dvostrukom izolacijom i nije predviđeno zaštitno uzemljenje.

Održavajte svoj proizvod

Koristite samo krpu od mikrofibera za čišćenje proizvoda.

Briga o okolišu

Odlaganje vašeg starog proizvoda i baterije



Vaš proizvod je dizajniran i proizveden od visokokvalitetnih materijala i dijelova, koji se mogu reciklirati i ponovo koristiti.



Ovaj simbol na proizvodu znači da je izrađen u skladu s Evropskom direktivom 2012/19/EU.



Ovaj simbol znači da vaš proizvod sadrži baterije obuhvaćene Evropskom direktivom 2013/56/EU koje se ne mogu odlagati sa običnim kućnim otpadom.

Informišite se o lokalnom sistemu za odvojeno sakupljanje električnih i elektronskih proizvoda i baterija. Poštujte lokalne zakone i nikada ne odlažite proizvod i baterije sa običnim kućnim otpadom. Pravilno odlaganje starih proizvoda i punjivih baterija pomaže u sprječavanju negativnih posljedica po okolinu i ljudsko zdravlje.

Uklanjanje zamjenjivih baterija

Za uklanjanje zamjenjive baterije, pogledajte odjeljak o instalaciji baterija.

Opres FCC i IC izjava za korisnike (samo SAD i Kanada)



FCC INFORMACIJE

Upozorenje:

- Ovu opremu treba instalirati i raditi sa minimalnim razmakom od 20 cm između uređaja i vašeg tijela.
- Izmjene ili modifikacije koje nisu izričito dozvoljene od strane odgovorne za usklađenost uređaja mogu poništiti dozvolu za rad sa uređajem.

NAPOMENA: Oprema je testirana i proglašena usklađenom sa ograničenjima digitalnog uređaja klase B, prema dijelu 15 FCC Pravilnika. Ova ograničenja su dizajnirana radi razumne zaštite od interferencije kod instalacije u mjestu stanovanja. Ova oprema stvara, koristi i može da emituje radio frekvenciju koja može izazvati štetne interferencije za radio komunikacije ako se ne instalira i koristi prema uputstvu za upotrebu.

Međutim, ne postoji garancija da neće doći do interferencije u pojedinoj instalaciji. Ako ova oprema izazove štetnu interferenciju na radio ili televizijskom prijem, što se može utvrditi isključivanjem i uključivanjem opreme, korisniku se savjetuje da pokuša da ispravi interferenciju poduzimanjem jedne ili više od sljedećih mjera:

- Premjestite ili drugačije postavite antenu za prijem.
- Povećajte razdaljinu između opreme i prijemnika.
- Spojite opremu na utičnicu drugog strujnog kola u odnosu na prijemnik.
- Konsultujte se sa prodavcem ili iskusnim radio/TV tehničarem za pomoć.

Ovaj uređaj sadrži predajnike/prijemnike za koje nije potrebna licenca a koji su u skladu sa RSS-ovima za inovacije, nauku i ekonomski razvoj za koje nije potrebna licenca. Rad je pod uticajem sljedeća dva uslova:

1. Uređaj ne izaziva štetnu interferenciju.
2. Uređaj mora primiti bilo koju interferenciju, uključujući i onu koja može izazvati neželjeni rad uređaja.

Usklađenost

Ovaj proizvod je usklađen sa zahtjevima radio interferencije Evropske zajednice.


MMD Hong Kong Holding Limited ovim izjavljuje da je ovaj proizvod u skladu sa osnovnim zahtevima i drugim važnim propisima Direktive 2014/53/EU. Izjavu o usaglašenosti možete naći na adresi www.p4c.philips.com.

2 Vaše kućno kino

Čestitamo Vam na kupovini i dobrodošli u kompaniju Philips! Za potpuno iskorištenje podrške koju nudi Philips, registrujte svoje kućno kino na www.philips.com/welcome.

Glavna jedinica


Ovaj odjeljak sadrži pregled glavne jedinice.



- ① **Senzor za daljinski upravljač**
- ② **Indikator mirovanja**
Kada je upaljen, pokazuje da je kućno kino u režimu mirovanja.
- ③ **LED indikator kućnog kina**
 - **Aux / USB:** Kada je upaljen, pokazuje da je kućno kino u režimu Aux. Kada svjetluca, pokazuje da je kućno kino u režimu USB.
 - **BT:** Kada je upaljen, pokazuje da je kućno kino u režimu Bluetooth.
 - **Optical:** Kada je upaljen, pokazuje da je kućno kino u optičkom režimu.
 - **HDMI (ARC):** Kada je upaljen, pokazuje da je kućno kino u HDMI ARC režimu.
- ④ **Izvor**
Odaberite ulazni izvor za kućno kino.
- ⑤ **Vol+ / Vol- (Jačina zvuka)**
Pojačajte ili smanjite zvuk.
- ⑥ **⏻ (Mirovanje uključeno)**
Uključite kućno kino ili ga stavite u režim mirovanja.

Bežični subwoofer

Ovaj odjeljak sadrži pregled bežičnog subwoofera:



- ① **AC~ utičnica**
Uključite u struju.
- ② **PAIR tipka**
Pritisnite za ulazak u režim uparivanja subwoofera.
- ③ **Indikator subwoofera**
 - Kad se uključi napajanje, indikator svijetli.
 - Tokom bežičnog uparivanja subwoofera i glavne jedinice, indikator brzo svjetluca narandžasto.
 - Kad uparivanje uspije, indikator svijetli narandžasto.
 - Kad uparivanje ne uspije, indikator lagano svjetluca narandžasto.

Daljinski upravljač

Ovaj odjeljak sadrži pregled daljinskog upravljača.

- ① **⏻ (Mirovanje uključeno)**
Uključite kućno kino ili ga stavite u režim mirovanja.
- ② **🔊 (Isključen zvuk)**
Isključite ili uključite zvuk
- ③ **⏮ / ⏭ (Prethodno/Sljedeće)**
Prijedite na prethodnu ili sljedeću numeru u režimu USB / Bluetooth.

- ④ ► **II (Reprodukcija/Pauza)**
Započnite, pauzirajte ili nastavite reprodukciju u režimu USB / Bluetooth.

- ⑤ **Vol+ / Vol- (Jačina zvuka)**
Pojačajte ili smanjite zvuk.

- ⑥ **Tipke izvora**

Aux: Prebacite audio izvor na MP3 vezu (3,5 mm priključak).


BT / Pair: Prebacite na režim Bluetooth. Pritisnite i zadržite za aktiviranje funkcije uparivanja u Bluetooth režimu ili isključivanje postojećeg uparenog Bluetooth uređaja.

Optical: Prebacite audio izvor na optičku vezu.

HDMI ARC: Prebacite izvor na HDMI ARC vezu.


USB: Prebacite na režim USB.

- ⑦ **EQ**
Odaberite efekt equalizera (EQ).



Priključci

Ovaj odjeljak sadrži pregled dostupnih priključaka na kućnom kinu.




- ① **AC~**
Uključite u struju.
- ② **AUX**
Audio ulaz, na primjer, MP3 uređaj (3,5 mm priključak).
- ③ **USB**
- Audio ulaz sa USB memorijskog uređaja.
 - Ažurirajte softver ovog proizvođača.
- ④ **HDMI (ARC)**
Povežite na HDMI ulaz na TV-u.
- ⑤ **OPTICAL**
Spojite uređaj na optički audio izlaz na televizoru ili digitalnom uređaju.
- ⑥ **Utor za zidni nosač**

Pripremite daljinski upravljač

- Isporučeni daljinski upravljač omogućava da se proizvodom upravlja sa rastojanja.
- Čak i ako se daljinski upravljač nalazi u efektivnom rasponu od 19,7 stopa (6 m), daljinsko upravljanje može biti nemoguće ako postoje prepreke između proizvoda i daljinskog upravljača.
- Ako se daljinski upravljač koristi u blizini drugih proizvoda koji generiraju infracrvene zrake ili ako se u blizini jedinice koriste drugi uređaji za daljinsko upravljanje koji koriste infracrvene zrake, može raditi nepravilno. Suprotno tome, ostali proizvodi mogu raditi nepravilno.



Prva upotreba:

Uređaj ima unaprijed instaliranu litijumsku bateriju CR2025. Uklonite zaštitni jezičak da aktivirate bateriju daljinskog upravljača.



Zamijenite bateriju daljinskog upravljača

- Daljinski upravljač koristi CR2025, 3V litijumsku bateriju.
- 1 Gurnite jezičak na bočnom dijelu ladice za baterije prema ladici.
 - 2 Sada izvučite ladicu za baterije iz daljinskog upravljača.
 - 3 Izvadite staru bateriju. Stavite novu CR2025 bateriju u ladicu za baterije s ispravnom polarnošću (+/-) kako je navedeno.
 - 4 Gurnite ladicu za bateriju natrag u utor na daljinskom upravljaču.




Predostrožnosti u vezi s baterijama

- Ako se daljinski upravljač neće koristiti duže vrijeme (duže od mjesec dana), izvadite bateriju iz daljinskog upravljača da ne bi procurila.
- Ako baterije iscuru, obrišite sve iz odjeljka za baterije i zamijenite ih novim.
- Nemojte koristiti baterije osim onih koje su navedene.
- Nemojte zagrijavati ili rastavljati baterije.
- Nikada ih ne bacajte u vatru ili vodu.
- Ne nosite i ne čuvajte baterije sa drugim metalnim predmetima. To može dovesti do kratkog spoja, curenja ili eksplozije baterija.
- Nikad ne puniti bateriju osim ako nije potvrđeno da je u pitanju punjiva vrsta.

Postavljanje

Postavite subwoofer najmanje jedan metar (3 stope) od vašeg kućnog kina i deset centimetara od zida.

Za najbolje rezultate postavite subwoofer kao što je prikazano u nastavku.



3 Povežite


Ovaj odjeljak pomaže vam da povežete svoje kućno kino na TV i druge uređaje, a potom ga podesite. Za informacije o osnovnom povezivanju kućnog kina i dodataka, pogledajte brzi vodič.

Napomena:

- Za identifikaciju i ocjenu dodataka, pogledajte tipsku pločicu na stražnjoj ili donjoj strani proizvoda.
- Prije uspostavljanja ili izmjene bilo koje veze, provjerite jesu li svi uređaji isključeni iz utičnice.

Spajanje na HDMI (ARC) utičnicu

Vaše kućno kino podržava HDMI sa ARC funkcijom. Ako je vaš televizor usklađen s HDMI ARC-om, možete čuti zvuk televizora putem kućnog kina pomoću jednog HDMI kabla.




- 1 Pomoću HDMI kabla velike brzine priključite **HDMI OUT (ARC) -TO TV** priključak na kućnom kinu na **HDMI ARC** priključak na televizoru.
 - Priključak **HDMI ARC** na televizoru možda je drugačije označen. Detalje potražite u uputstvo za upotrebu za TV.
- 2 Na televizoru uključite HDMI-CEC operacije. Detalje potražite u uputstvo za upotrebu za TV.

Napomena

- Vaš televizor mora podržavati HDMI-CEC i ARC funkciju. HDMI-CEC i ARC moraju biti postavljeni na Uključeno.
- Način podešavanja HDMI-CEC i ARC može se razlikovati ovisno o televizoru. Pojednosti o funkciji ARC potražite u uputstvu vašeg televizora.
- Samo HDMI 1.4 kompatibilni kablovi mogu podržavati funkciju ARC.


Povezivanje na optičku utičnicu




- 1 Koristeći optički kabl povežite **OPTICAL** priključak na kućnom kinu sa **OPTICAL** priključkom na TV-u ili drugom uređaju.
 - Digitalni optički priključak je možda označen kao **SPDIF** ili **SPDIF OUT**.


Povezivanje na AUX utičnicu

- Upotrijebite audio kabl 3,5 mm na 3,5 mm (isporučen) za spajanje utičnice za slušalice na televizoru na AUX utičnicu na uređaju.





- Upotrijebite audio kabl RCA na 3,5 mm (isporučen) za spajanje utičnice audio izlaza na televizoru na AUX utičnicu na uređaju.



Povezivanje napajanja

- Prije spajanja kabla na naizmjeničnu struju, provjerite jeste li dovršili sve ostale veze.
- **Rizik od oštećenja proizvoda!** Provjerite odgovara li napon napajanja naponu ispisanom na stražnjoj ili donjoj strani jedinice.
- Spojite mrežni kabl u AC~ utičnicu jedinice, a zatim u mrežnu utičnicu
- Spojite mrežni kabl u AC~ utičnicu subwoofera, a zatim u mrežnu utičnicu.

Uparite sa subwooferom

Automatsko uparivanje

Uključite kućno kino i subwoofer u mrežnu utičnicu, a zatim pritisnite uključivanje na uređaju ili daljinskom upravljaču za prebacivanje jedinice u režim **ON**. Subwoofer i kućno kino će se automatski upariti.

- Kada se subwoofer uparuje s kućnim kinom, indikator **Pair** na subwoofer će brzo svjetlucati.
- Kada je subwoofer uparen s kućnim kinom, indikator Pair na subwoofer će svijetliti.
- Nemojte priskakati tipku Pair sa stražnje strane subwoofera, osim za ručno uparivanje.

Ručno uparivanje

Ako se ne čuje zvuk sa bežičnog subwoofera, ručno ga uparite.

- 1 Odspojite obje jedinice iz mrežne utičnice, a zatim ih ponovo spojite nakon 3 minute.
- 2 Pritisnite i držite tipku **PAIR** na stražnjoj strani subwoofera nekoliko sekundi.
↳ Indikator Pair na subwooferu brzo će svjetlucati.
- 3 Potom pritisnite **⏻** na jedinici ili daljinskom upravljaču za uključivanje jedinice.
↳ Indikator **Pair** na subwooferu će svijetliti kada je uspješno.
- 4 Ako indikator Pair i dalje svjetluca, ponovite korake 1-3.

Savjet

- Subwoofer bi trebao biti unutar 6 m od kućnog kina na otvorenom (što je bliže, to bolje).
- Uklonite sve predmete između subwoofera i kućnog kina.
- Ako bežična veza ponovo ne uspije, provjerite postoji li sukob ili jaka smetnja (npr. smetnje s elektroničkim uređajima) oko lokacije. Uklonite ove sukobe ili jake smetnje i ponovite gore navedene postupke.
- Ako glavna jedinica nije povezana sa subwooferom i nalazi se u režimu uključeno, indikator POWER jedinice će svjetlucati.

4 Upotreba kućnog kina

Ovaj odjeljak vam pomaže da kućno kino koristite za reprodukciju zvuka sa povezanih uređaja.

Prije nego što započnete

- Povežite potrebne priključke opisane u brzom vodiču ili uputstvu za upotrebu.
- Prebacite kućno kino na ispravan izvor za ostale uređaje.

Uključivanje i isključivanje

- Kada prvi put priključite uređaj na glavnu utičnicu, jedinica će biti u stanju pripravnosti. Indikator mirovanja će se upaliti.
- Pritisnite  tipku na daljinskom upravljaču za uključivanje ili isključivanje glavne jedinice.
- Isključite glavni utikač iz glavne utičnice ako želite potpuno isključiti uređaj.
- Ako je spojen TV ili vanjski uređaj (samo za AUX utičnicu), jedinica će se automatski uključiti kad se uključi televizor ili vanjski uređaj.

Automatsko mirovanje

Jedinica se automatski prebacuje u stanje pripravnosti nakon otprilike 15 minuta ako je TV ili vanjska jedinica iskopčana ili isključena.

- Da biste potpuno isključili jedinicu, izvadite utikač iz utičnice.
- Molimo isključite uređaj u potpunosti za uštedu energije ako se ne koristi.

Odaberite režim

- 1 Pritiskajte tipku **Source** uzastopno na jedinici ili pritisnite tipke **Aux**, **Optical**, **HDMI ARC**, **BT/Pair**, **USB** na daljinskom upravljaču za odabir željenog režima.
 - ↳ Indikator na kućnom kinu prikazat će koji se režim trenutno koristi.
 - **Aux / USB**: Kada je upaljen, pokazuje da je kućno kino u režimu Aux. Kada svjetluca, pokazuje da je kućno kino u režimu USB.
 - **BT**: Kada je upaljen, pokazuje da je kućno kino u režimu Bluetooth.
 - **Optical**: Kada je upaljen, pokazuje da je kućno kino u optičkom režimu.
 - **HDMI (ARC)**: Kada je upaljen, pokazuje da je kućno kino u HDMI ARC režimu.

Odaberite efekt equalizera (EQ)

Odaberite unaprijed definisane režime zvuka koji će odgovarati vašem snimku ili muzici.

- 1 Pritisnite tipku **EQ** na daljinskom upravljaču za odabir željenih podešenih efekata equalizera:
 - ↳ Svi LED indikatori svijetle 0,5 sekunde što znači da ulaze u meni equalizera za odabir.
 - ↳ Uključite indikatore u trajanju od 3 sekunde za prikaz trenutnog režima equalizera.
 - **(Movie)**
preporučeno za gledanje filmova
 - **(Music)**
preporučeno za slušanje muzike
 - **(News)**
preporučeno za slušanje vijesti
 - ↳ Pritisnite tipku **EQ** za prebacivanje režima.

Prilagodite jačinu zvuka

- 1 Pritiskom na **Vol+ / Vol-** (jačina zvuka) povećavate ili smanjujete jačinu zvuka.
 - Za isključivanje zvuka pritisnite  (**Mute**).
 - Za vraćanje zvuka, pritisnite  (**Mute**) ponovo ili pritisnite **Vol+ / Vol-** (**Volume**).

Napomena: Dok podešavate jačinu zvuka, LED indikator stanja će brzo svjetlucati. Kad je jačina zvuka dostigla maksimalnu/minimalnu vrijednost, LED indikator statusa će svjetlucati jedanput.

Rad putem Bluetootha

Putem Bluetooth-a povežite kućno kino sa svojim Bluetooth uređajem (kao što su iPad, iPhone, iPod touch, Android telefon ili laptop), a zatim možete slušati audio datoteke pohranjene na uređaju putem kućnog kina.

Šta vam treba

- Bluetooth uređaj koji podržava Bluetooth profil A2DP, AVRCP i Bluetooth verziju 4.2 + EDR.
 - Maksimalni radni opseg između kućnog kina i Bluetooth uređaja je približno 10 metara (30 stopa).
- 1 Pritiskajte tipku **Source** uzastopno na uređaju ili pritisnite tipku **BT** na daljinskom upravljaču da prebacite kućno kino u režim Bluetooth.
 - ↳ Indikator Bluetooth će se upaliti.
 - 2 Na Bluetooth uređaju, uključite Bluetooth, tražite i odaberite **Philips HTL3325** da započnete vezu (pogledajte uputstvo za upotrebu Bluetooth uređaja i kako da omogućite Bluetooth).
 - ↳ Tokom veze, indikator Bluetootha će se upaliti.
 - 3 Pričekajte dok ne čujete glasovno pozivanje sa kućnog kina.
 - ↳ Ako se uspješno spoji, Bluetooth indikator će zasvijetliti.

- 4 Odaberite i puštajte audio fajlove ili muziku sa svog Bluetooth uređaja.
 - Tokom reprodukcije, ako imate poziv, muzika se pauzira. Reprodukcijska se nastavlja kada se poziv završi.
 - Ako vaš Bluetooth uređaj podržava profil AVRCP, na daljinskom možete pritisnuti **◀◀** / **▶▶** za preskakanje pjesme, ili pritisnuti **▶▶** za pauziranje/nastavak reprodukcije.
- 5 Za napuštanje režima Bluetooth, odaberite drugi izvor.
 - Kada se vratite na režim Bluetooth, veza ostaje aktivna.



Napomena:

- Puštanje muzike može biti prekinuto preprekama između uređaja i kućnog kina, poput zida, metalnog kućišta koje pokriva uređaj ili drugih uređaja u blizini koji rade istom frekvencijom.
- Ako želite povezati svoje kućno kino s drugim Bluetooth uređajem, pritisnite i držite tipku **BT/PAIR** na daljinskom upravljaču kako biste isključili trenutno spojeni Bluetooth uređaj

Rad putem AUX / OPTICAL / HDMI ARC

Provjerite da li je jedinica spojena na TV ili audio uređaj.

- 1 Pritiskajte tipku **Source** uzastopno na jedinici ili pritisnite tipke **Aux**, **Optical**, **HDMI ARC** na daljinskom upravljaču za odabir željenog režima.
- 2 Upravljaite svojim audio uređajem direktno za funkcije reprodukcije.
- 3 Pritisnite tipke **VOL +/-** da prilagodite jačinu zvuka na željeni nivo.

Savjet

- Dok ste u režimu OPTICAL / HDMI ARC, ako iz jedinice nema zvuka i indikator statusa treperi, možda ćete morati da aktivirate **PCM** ili **Dolby Digital** signal na izvornom uređaju (npr. TV, DVD ili Blu-ray uređaj).

Rad putem USB-a

Uživajte u zvuku na USB uređaju za pohranu, kao što je MP3 uređaj i USB fleš memorija, itd.

- 1 Umetnite USB uređaj.
- 2 Pritiskajte tipku **Source** zastopno na uređaju ili pritisnite tipku **USB** na daljinskom upravljaču da prebacite kućno kino u **USB** režim.
- 3 Tokom reprodukcije:

Dugme	Radnja
▶	Započni, pauziraj ili nastavi reprodukciju.
◀◀/▶▶	Prijeđite na prethodnu ili sljedeću numeru.

Savjet

- Uređaj može podržati USB uređaje do 32 GB memorije.
- Ovaj uređaj može reprodukovati MP3/WAV/WMA.
- Podržava USB priključak: 5 V $\Rightarrow$, 500 mA.


5 Postavljanje na zid

Napomena

- Nepravilno postavljanje na zid može dovesti do nesreće, povrede ili štete. Ako imate pitanja, kontaktirajte korisničku podršku u svojoj državi.
- Prije postavljanja na zid, pobrinite se da zid može izdržati težinu kućnog kina.
- Prije postavljanja na zid, ne morate uklanjati četiri gumene noge na dnu kućnog kina, jer se u protivnom gumene noge ne mogu vratiti.

Dužina/promjer vijka

U zavisnosti od vrste zida na koji postavljate kućno kino, pobrinite se da koristite vijke odgovarajuće dužine i promjera.



Pogledajte ilustraciju u brzom vodiču kako postaviti kućno kino na zid.

- 1) Probušite dvije rupe na zidu.
- 2) Postavite tiple i vijke u rupe.
- 3) Okačite kućno kino SoundBar na pričvrstne vijke.

6 Specifikacije proizvoda

Napomena

- Specifikacije i dizajn su podložni promjenama bez obavještenja.

Bluetooth / Bežično

- Bluetooth profili: A2DP, AVRCP
- Bluetooth verzija: 4.2 + EDR
- Opseg frekvencije/Izlazna snaga: 2402 MHz ~ 2480 MHz / ≤ 5 dBm
- 2,4 G bežični frekventni opseg: 2400 MHz ~ 2483 MHz
- 2,4 G bežična maksimalna snaga: 6 dBm

Glavna jedinica

- Napajanje: 100-240 V ~ 50/60 Hz
- Maksimalna izlazna snaga po zvučniku: 25 W x 4 + 50 W x 2
- Potrošnja energije: 25 W
- Potrošnja u mirovanju: $< 0,5$ W
- USB: 5 V $\Rightarrow$ 500 mA
- Odziv frekvencije: 120 Hz - 20 KHz
- Audio ulazna osjetljivost (AUX): 500 mV
- Impedansa zvučnika: $8 \Omega \times 2 + 4 \Omega$
- Dimenzije (Š x V x D): 950 x 67,3 x 81,7 mm
- Težina: 2,2 kg
- Radna temperatura: 0°C - 45°C

Subwoofer

- Napajanje: 100-240 V ~, 50-60 Hz
- Izlazna snaga: 100 W
- Potrošnja energije: 25 W
- Potrošnja u mirovanju: $< 0,5$ W
- Odziv frekvencije: 40 Hz - 120 Hz
- Impedansa: 3Ω
- Dimenzije (Š x V x D): 150 x 412 x 310 mm
- Težina: 5,4 kg
- Radna temperatura: 0°C - 45°C

Daljinski upravljač

- Udaljenost/Ugao: 6 m / 30°
- Tip baterije: CR2025

Podržani audio formati

- **HDMI ARC**
Dolby Digital, LPCM 2-kanalni
- **OPTICAL**
Dolby Digital, LPCM 2-kanalni
- **BLUETOOTH**
SBC
- **USB**
MP3, WAV, WMA

7 Rješavanje problema



Upozorenje

- Rizik od električnog udara. Nikada ne uklanjajte kućište uređaja.

Kako biste zadržali garanciju važećom, nikada ne popravljajte uređaj sami.

Ako nađete na problem pri upotrebi uređaja, provjerite sljedeće prije nego što ga odnesete u servis.

Ako i dalje imate problem, dobijte podršku na www.philips.com/welcome.

Ne uključuje se

- Provjerite je li mrežni kabl pravilno spojen.
- Provjerite da li ima struje u utičnici.
- Pritisnite dugme za pripravnost na daljinskom upravljaču ili kućnom kinu za uključenje.

Nema zvuka

- Pojačajte zvuk. Pojačajte zvuk na daljinskom upravljaču ili kućnom kinu.
- Pritisnite MUTE na daljinskom upravljaču kako biste bili sigurni da kućnom kinu nije isključen zvuk.
- Pritisnite tipke izvora za odabir drugog ulaza.
- Kada koristite bilo koji od digitalnog ulaza, ako nema zvuka:
 - Pokušajte postaviti TV izlaz na PCM ili
 - Spojite se direktno na Blu-ray / drugi izvor, neki televizori ne prolaze kroz digitalni audio.
- Vaš TV može biti postavljen na varijabilni audio izlaz. Potvrdite da je postavka za audio izlaz postavljena na FIXED ili STANDARD, a ne VARIABLE. Pogledajte detaljnije informacije u korisničkom priručniku televizora.

- Ako koristite Bluetooth, provjerite da je zvuk na vašem izvornom uređaju pojačan i da uređaj nije isključen.

Daljinski upravljač ne radi

- Prije nego što pritisnete bilo koju tipku za kontrolu reprodukcije, prvo odaberite ispravan izvor.
- Smanjite udaljenost između daljinskog upravljača i jedinice.
- Umetnite bateriju sa polaritetima (+/-) poravnanim kako je navedeno.
- Zamijenite bateriju.
- Usmjerite daljinski upravljač direktno prema senzoru na prednjoj strani uređaja.

Na svom Bluetooth uređaju ne mogu pronaći Bluetooth naziv ove jedinice

- Provjerite da li je na vašem Bluetooth uređaju aktivirana funkcija Bluetooth.
- Ponovo uparite jedinicu s vašim Bluetooth uređajem.

Ovo je funkcija isključenja napajanja u trajanju od 15 minuta, jedan od ERPII standardnih zahtjeva za uštedom energije

- Kada je nivo vanjskog ulaznog signala jedinice prenizak, jedinica će se automatski isključiti za 15 minuta. Povećajte nivo jačine zvuka vanjskog uređaja.

Subwoofer je u stanju mirovanja ili indikator subwoofera ne svijetli

- Isključite kabl napajanja iz utičnice i ponovo ga uključite nakon 3 minute kako biste resetirali subwoofer.



Bluetooth® natpis i logotipi su registrovani zaštitni znaci u vlasništvu kompanije Bluetooth SIG, Inc. Nazivi HDMI, HDMI multimedijско sučelje visoke definicije i HDMI logotip su zaštitni znaci ili registrovani zaštitni znakovi kompanije HDMI Licensing Administrator, Inc.

Proizvedeno pod licencom Dolby Laboratories. Dolby, Dolby Audio i simbol dvostrukog D zaštitni su znakovi kompanije Dolby Laboratories.

Specifikacije su podložne promjeni bez obaveštenja.

Philips i Philips Shield Emblem su registrovani zaštitni znaci kompanije Koninklijke Philips N.V. i koriste se pod licencom. Ovaj proizvod je izrađen i prodaje se pod odgovornošću kompanije MMD Hong Kong Holding Limited ili jedne od njenih filijala, i kompanija MMD Hong Kong Holding Limited je garant u vezi ovog proizvoda.

